

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
OPĆINSKI SUD U TEŠNJU
Broj: 39 0 Pr 077488 25 Zm
Datum: 12.05.2025. godine

Općinski sud u Tešnju, po sudiji Bajraktarević Zijadu, uz sudjelovanje zapisničara Cerovac Emine, u postupku odlučivanja po zahtjevu za izricanje zaštitne mjere podnosioca zahtjeva MUP ZE-DO Kantona, PU IV, Policijska stanica Tešanj, broj 08-02-11/1-03-1-19/25 od 12.05.2025. godine protiv prijavljenog učinioca nasilja u porodici H. A., sin R., zbog nasilja u porodici iz člana 9. stav 1. tačka a, b, c, ć, č, d, e, Zakona o zaštiti od nasilja u porodici i nasilja prema ženama u Federaciji Bosne i Hercegovine („Službene novine Federacije Bosne i Hercegovine“, broj 19/25), na osnovu odredaba člana 39. i 40. Zakona o zaštiti od nasilja u porodici i nasilja prema ženama u Federaciji Bosne i Hercegovine, dana 12.05.2025. godine, donosi

R J E Š E N J E

Prema: H. A., sin R., rođen 04.04.1986.godine, nastanjen u Lj. 151, općina T., plinski vodoinstalater, nezaposlen, razveden, državljanin BiH, JMBG: ...,

zbog toga što postoji osnov sumnje da je počinio nasilje verbalnim uznemiravanjem, psovanjem i vrijedjanjem te upućivanjem prijetnji za život prema svojoj bivšoj supruzi H. M., kći B. na način da je:

Dana 21.04.2025. godine oko 18,46 sati H. A. putem aplikacije MESENDŽER pozvao svoju kćerku H. A., rođenu 2015.godine a koja živi sa svojom majkom H. M.te sa istom razgovarao kojom prilikom razgovor je tekao normalno dok u jednom momentu H. A. nije spomenuo svoju bivšu suprugu H. M. koja je A. majka i počeo da vredi M. i naziva je pogrđnim riječima (kurvo) a nakon toga M. upućuje prijetnje opasne po život, govoreći da će kada dodje iz Hrvatske M. fizički napasti – iznabijati, da će M. zakačiti za svoje auto i provozati kroz Jelah i da je spreman M. odležati u zatvoru.

a što ima obilježje nasilja u porodici iz člana 9. stav 1. tačka a,b,c,ć,č,d,e. Zakona o zaštiti od nasilja u porodici i nasilja prema ženama u Federaciji Bosne i Hercegovine,

pa se:

na osnovu odredaba člana 26. stav 1. tačka c) Zakona o zaštiti od nasilja u porodici i nasilja prema ženama u Federaciji Bosne i Hercegovine H. A. sinu R. izriče:

1. ZAŠTITNA MJERA ZABRANA KOMUNIKACIJE, UZNEMIRAVANJA I UHOĐENJA ŽRTVE NASILJA

Na osnovu odredaba člana 26. stav 1. tačka c) Zakona o zaštiti od nasilja u porodici i nasilja prema ženama u Federaciji Bosne i Hercegovine zabranjuje se učiniocu nasilja u porodici H. A. sinu R. da se približava žrtvi nasilja svojoj bivšoj

supruzi H. M., kći B., rođena 03.08.1990. godine u D., nastanjena u T., ul. M. Ć. Ć. broj 39. J., općina T.

Zaštitna mjera zabrana komunikacije, uznemiravanja i uhodjenja žrtve nasilja se shodno odredbi člana 29. stav 2. Zakona o zaštiti od nasilja u porodici i nasilja prema ženama u Federaciji Bosne i Hercegovine određuje u trajanju od 6 (šest) mjeseci.

Organ nadležan za izvršenje izrečene zaštitne mjere je MUP ZDK, PU IV, Policijska stanica Tešanj, koji je dužan postupati shodno odredbi člana 42. Zakona o zaštiti od nasilja u porodici i nasilja prema ženama u Federaciji Bosne i Hercegovine.

Organ nadležan za izvršenje zaštitne mjere MUP ZDK, PU IV, Policijska stanica Tešanj je dužan redovno pratiti izvršenje mjere, sačiniti i dostaviti nadležnom sudu izvještaj o njenom izvršenju u roku od 3 mjeseca.

U slučaju nepostupanja po izrečenoj zaštitnoj mjeri organ nadležan za izvršenje zaštitne mjere kao i policijska uprava, dužni su shodno odredbi člana 42. stav 2. Zakona o zaštiti od nasilja u porodici i nasilja prema ženama u Federaciji Bosne i Hercegovine odmah po saznanju o neizvršenju ili kršenju mjere podnijeti prijavu nadležnom tužilaštvu.

Žalba na ove rješenje ne odlaže izvršenje.

Troškovi postupka padaju na teret budžetskih sredstava.

O B R A Z L O Ž E N J E

MUP ZE-DO Kantona PU IV, PS Tešanj podnijela je zahtjev za izricanje zaštitne mjere broj 08-02-11/1-03-1-19/25 od 12.05.2025. godine, protiv H. A., sina R., kao učinitelja nasilja u porodici, zbog toga što je dana 21.04.2025. godine oko 18,45 sati počinio nasilje verbalnim uznemiravanjem, psovanjem, vrijeđanjem te upućivanjem opasnih prijetnji na život prema svojoj bivšoj supruzi H. M. kći B. a što ima obilježje nasilja u porodici iz člana 9. stav 1. tačka a,b,c,ć,č,d,e. Zakona o zaštiti od nasilja u porodici i nasilja prema ženama u FBiH.

U zahtjevu je navedeno da je dana 22.04.2025. godine u 10,20 sati u PK Jelah se obratila H. M. iz J. i prijavila svog bivšeg supruga H. A. koji se trenutno nalazi na radu u R. Hrvatskoj te izjavila da je dana 21.04.2025.godine prilikom razgovora na aplikaciji MESENDŽER, sa njihovom kćerkom H. A., A. u jednom momentu prilikom razgovora počeo da spominje M., da je vredja i naziva pogrdnim riječima a nakon toga da upućuje opasne prijetnje po život i tijelo na način da je pozvao kćerku A. 21.04.2025.godine oko 18,46 sati putem navedene aplikacije s kojom je razgovarao normalno sve dok nije spomenuo bivšu suprugu M. koja je A. majka te počeo da je naziva pogrdnim imenima (kurva) nakon čega joj upućuje prijetnje opasne po život govoreći da će kad dodje iz Hrvatske napasti M. fizički – iznabijati, da će M. zakačiti za svoje auto i provozati je kroz Jelah i da je spreman M. odležati u zatvoru.

Patrola policije je o navedenom događju izvijestila rukovodioca smjene PS Tešanj nakon čega su poduzete mjere i radnje na rasvjetljavanju ovog događaja

poduzimanjem radnji od strane inspektora OKP PS Tešanj koji su saslušali svjedoka H. M. i ispitali osumnjičenog H. A.

PS Tešanj predlaže da se prema učiniocu nasilja izrekne zaštitna mjera zabrana komunikacije, uznemiravanja i uhođenja žrtve nasilja u porodici u trajanju od 6 (šest) mjeseci.

Uz zahtjev su priloženi standardizirani policijski izvještaj broj F04-21-25-00659 od 22.04.2025. godine, zapisnik o ispitivanju osumnjičenog H. A. broj 08-02-11/1-17-404/25 od 09.05.2025. godine PS Tešanj, zapisnik o saslušanju svjedoka - žrtve nasilja H. M., kći B., broj 08-02-11/1-17-397/25 od 09.05.2025. godine PS Tešanj, zapisnik o konsultaciji sa organom starateljstva broj 08-02-11-1/1-1-89/25 od 09.05.2025. godine, prekršajna evidencija učinioca nasilja, zapažanje o prijavljenom nasilju u porodici i pitanja za žrtvu nasilja – percepcija žrtve od 09.05.2025.godine, ocjena rizika od ponavljanja nasilja u porodici od 09.05.2025.godine.

Na osnovu provedenih dokaza sud je utvrdio slijedeće činjenično stanje:

Uvidom u zapisnik o saslušanju žrtve nasilja – svjedoka H. M. sud je utvrdio da je bila u braku sa H. A. te da je H. A. pozvao njihovu zajedničku kćerku H. A. rođenu 2016. godine putem aplikacije dana 21.04.2025.godine oko 18,45 sati nad kojom ona ima skrbništvo kao i nad njihovim takodje njihovim maloljetnim sinom H. R. rođenom 2015. godine. Prilikom razgovora između A. i A. razgovor je tekao normalno dok A. nije spomenuo njeno ime nakon čega je A. počeo da nju naziva pogrdnim imenima govoreći da je kurva da će on nju iznabijati, da će je zakačiti za auto i provozati kroz Jelah te da se ne boji ni policije i odležat će tri mjeseca u zatvoru a da ona neće ustati iz invalidski kolica. Navodi da je ona bila prisutna kada su A. i A. razgovarali te odlučila da razgovor snima jer je u prethodnom periodu A. znao da nju vredja. U toku razgovora sa A. njen bivši suprug A. je rekao da mu je istekla zabrana i da se sada ne boji policije i da će je pred policijom napasti. A. je imao zaštitnu mjeru zabrane prilaska jer ju je fizički napao 2024.godine u Žepču.

Dana 30.04.2025.godine dobila je poziv od strane radnice Centra za socijalni rad H. A. koja joj je rekla da dovede A. u navedenu ustanovu i da je preda ocu što je ona odbila jer zna da A. neće da živi sa ocem.

Nakon 10 minuta ju je ponovo pozvala H. A. iz Centra za socijalni rad Tešanj te ju pitala da li će dozvoliti A. da bude sa ocem u vrijeme praznika što je ona dopustila te je rekla da A. dodje po nju kada odredi radnica Centra a da ona ne želi da ima kontakt sa A. A. je došao 01. maja po A. te je odveo da bi je vratio u nedjelju. Po ulasku u kuću A. joj je odmah rekla da ju je otac A. vozio u Doboju te da joj je oduzeo mobilni telefon te rekao A. da će je smjestiti u dom ako ne želi da živi sa njim. Navodi da sve prijetnje smatra ozbiljnim jer ju je i u ranijem periodu A. istukao u Žepču a da joj je prethodno prijetio tako da smatra i ove prijetnje ozbiljnim i ima osjećaj ugroženosti i strah je nje kako za sebe tako i za dijete A.

Navodi da posjeduje snimak razgovora svog bivšeg supruga H. A. i kćerke H. A.

Uvidom u zapisnik o ispitivanju osumnjičenog – počinioca nasilja u porodici H. A. sud je utvrdio da je imenovani izjavio da je tačno sve što je rekao ali nije imao namjeru

to i uraditi te da su ga svjesno „navukle“ bivša supruga M. i kćerka A. da on bude isprovociran putem telefona a M. je to snimala da bi ga mogla prijaviti.

Uvidom u standardizirani policijski izvještaj sud je utvrdio da je isti sačinjen od strane pripadnika PS Tešanj a povodom prijave H. M. kći B. iz J. koja je prijavila svog bivšeg supruga H. A. iz Lj. da je isti putem aplikacije MESENDŽER prijetio da će je fizički napasti. Dalje je utvrđeno da je obavljen razgovor sa H. M. koja je izjavila da je H. A. dana 21.04.2025.godine putem aplikacije nazvao svoju kćerku H. A. gdje je u toku razgovora kada je spomenuta njegova bivša supruga M. počeo da je vredja nazivajući je kurvom pijeteći da će je zavezati za auto i provozati po Jelahu. Navodi da je ona staratelj nad zajednički stečenom maloljetnom djecom sinom R. i kćerkom A. Navela je da njen bivši suprug se trenutno nalazi na radu u Hrvatskoj i da je telefonski razgovor izmedju H. A. i kćerke A. snimila na telefon.

Uvidom u zapisnik o konsultaciji sa organom starateljstva od 09.05.2025. godine sud je utvrdio da je izvršena konsultacija predstavnika Centra za socijalni rad Tešanj i PS Tešanj te da je usaglašeno da se nadležnom sudu podnese zahtjev za izricanje zaštitne mjere zabrana komunikacije, uznemiravanja i uhodjenja žrtve nasilja u porodici u trajanju od 6 (šest) mjeseci počevši od dana donošenja rješenja.

Uvidom u prekršajnu evidenciju na ime H. A. sud je utvrdio da je prema imenovanom doneseno rješenje Općinskog suda u Tešnju kojim je izrečena mjera zabrana približavanja žrtvi nasilja, obavezan psiho socijalni tretman i zabrana uznemiravanja i uhodjenja žrtve nasilja zbog počinjenog nasilja u porodici dana 21.10.2024.godine. Tako da je utvrđeno da je H. A. kažnjavao za prekršaj narušavanje javnog reda i mira te prekršaj iz oblasti bezbjednosti saobraćaja na putevima u Bosni i Hercegovini.

Uvidom u zapažanje o prijavljenom nasilju u porodici i pitanja za žrtvu nasilja – percepcija žrtve sud je utvrdio da su uneseni opći podaci o nasilju, o učiniocu nasilja, o vrsti nasilja o žrtvi nasilja o tome da li je obavješten Kantonalni tužilac, te dali je obavješten Centar za socijalni rad.

Uvidom u ocjenu rizika od ponavljanja nasilja u porodici utvrđeno je da je konstatovan umjeren rizik od nastanka novog nasilja.

Cijeneći provedene dokaze pojedinačno kao i u njihovoj međusobnoj vezi s obzirom na utvrđeno činjenično stanje sud smatra da postoje razlozi koji upućuju na opravdanost vrste i trajanja izrečene zaštitne mjere a to su prije svega otklanjanje opasnosti po fizički i psihički integritet žrtve nasilja u sprečavanje ponavljanja nasilja otklanjanjem stanja i uslova koji mogu uticati ili poticajno djelovati da učinilac ponovno izvrši radnje nasilja.

Ovo iz razloga što žrtva nasilja H. M. kći B. na jasan i nedvosmislen način u svom iskazu datom na zapisniku od 07.05.2025. godine PS Tešanj potvrđuje da je njen bivši muž H. A. verbalno uznemiravao, psovao, vrijeđao te upućivao opasne prijetnje po život tokom telefonskog razgovora sa njihovom maloljetnom kćerkom H. A. te da nedvosmisleno potvrđuje da prijetnje H. A. smatra ozbiljnim jer joj je u ranijem periodu prijetio a nakon toga je istukao u Žepču zbog čega prijetnje smatra ozbiljnim i ima osjećaj ugroženosti i straha kako za sebe tako i za kćerku A.

Shodno članu 39. stav 5. Zakona o zaštiti od nasilja u porodici i nasilja prema ženama u Federaciji Bosne i Hercegovine žalba, sud nije zahtijevao da se nasilna osoba izvede pred sud iz razloga što priloženi dokazi podnosioca zahtjeva daju sudu dovoljno argumenata za utvrđivanje činjenica o izvršenju radnji nasilja iz člana 9. stav 1. tačka a,b,c,ć,č,d,e,. istog zakona, kao i posljedicama koje su nastupile.

Slijedom navedenog sud je počinocu nasilja izrekao zaštitne mjere kao u izreci rješenja cijeneći da je izricanje navedenih mjera cjelishodno u ovoj fazi postupka a sve shodno odredbama člana 26,28 i 30. Zakona o zaštiti od nasilja u porodici i nasilja prema ženama u Federaciji Bosne i Hercegovine.

Na osnovu odredaba člana 40. stav 1. tačka b. Zakona o zaštiti od nasilja u porodici i nasilja prema ženama u Federaciji Bosne i Hercegovine žalba na ove rješenje ne odlaže izvršenje.

POUKA O PRAVNOM LIJEKU:

Protiv ovog rješenja može se izjaviti žalba, Kantonalnom sudu u Zenici u roku od tri dana od dana prijema rješenja. Žalba ne odlaže izvršenje rješenja a izjavljuje se putem ovog suda u dva primjerka.

S u d i j a,
Bajraktarević Zijad